

MIR SINGE ALAAF

Süht et och su us, als jing de Welt hüek unger

-maach e Leech an-

Nix is wie et wor, alles drop un drunger

-maach e Leech an-

E Leech för uns Stadt
un e Leech för uns Lück
denn mer jläuve do dran
uns Lääve kütt zoröck

**Un mer singe Alaaf
vielleicht e betzje stiller
un dat, wat do wor
kütt janzen bestimmp baal widder
Kumm, mer singe Alaaf
denn süns sin mer verlore
un mer singe janzen höschen
föer e besser Morje**

Wie ne kleine Panz mit Angst im Keller

-maach e Leech an-

doch mer kumme do durch, et weed allt heller

-maach e Leech an-

E Leech för die Jode
e Leech för die Schlächte
E Leech för die Krumme
un för die Jerächte
Un mer singe Alaaf....

Do, wo jesunge weed, loß Dich nieder
Denn böß Minsche, die han kein Leeder

Refrain



IMMER WIDDER

Du bes en Mamm un du bes en Huur
du bes ne Lady un en Fiuur
du häs Maniere un bes en Krat
wenn irjendjet scheif hängk
mähß du et jrad

Du häs Traditione un uch Anarchie
du lääfs nor ein Woch doch die deiht dann wieh
manch einer hasst dich doch ich han dich jän
komm immer widder, ich bin dinge Fan

Mer will dich kopiere, se pumpe dich op
doch su wie du bes, do ston mer drop
un bringk mer dich fott he, dann jeihs du en
denn alles zosamme, dat kann et nor sin

**Drum kumm immer, immer widder,
mer waade op dich
einmol im Johr, kütt schon morjens
Schabau op d' r Disch
mer drinke zosamme, mer halde uns fass
verjesse die Sorje, d' r Alldaach un d' r Brass**

Du bes ming Kindheit, ming eeschte Patie
du küss em Winter, do jov et noch Schnie
du bes e Feeling ens jot un ens schläch
wenn alles vorbei es, dann bes du jeräch

Un wenn du dann jeihs, kriesch ich wie nie
et För brennt hell un et schmelz d' r Schnie
all unsre Sünde jon met dem Rauch
un all unsre Dräum, die jon dann uch

Drum kumm immer, immer widder...



SÜNDERLEIN

Do jommer noh links, do jommer noh rächs
mer hahle zesamme, dat is Jesetz

Wo wulle mir hin, wo kumme mer her
mim Müllemer Böötche, üvver et Meer

Mol simmer he rut, mol simmer he schwatz
doch wenn et ze brung weed, dann jitt et Rabatz

Do simmer dabei, oder och nit
weed dat ne Flop, oder ne Hit?

De janze Welt is Kölle
Kölle is de janze Welt
wer hät he die nökste Rund bestellt

**Wir sind alles kleine Sünderlein
keiner will heut Nacht alleine sein
Wir sind alles kleine Sünderlein
schau doch einfach in dein Herz hinein**

Häste ne Fründ, oder och nit
kumm einfach zu uns un drink eine mit

Wat hammer jehühlt, wat hammer jelaach
mer han de Naach, zum Daach jemaht

De janze Welt is Kölle...

Wir sind alles kleine Sünderlein...



POLKA, POLKA, POLKA

Der Wind is kalt un rau
un mer wisse janz genau
et letzte Fass is leer
un die Knoche, die sin schwer

Doch wenn mer zesamme singe
dann weed dat üvverall jot klinge
wat soll uns schon passiere
su lange mer et Lääve fiere

Polka, Polka, Polka
vum Rhing bis an die Wolga
Polka, Polka, Polka
der Pitter un die Olga
Kabänes oder Wodka
Polka, Polka, Polka
alles halb su schlimm, wenn mer zesamme sin!

Un is der Winter noch su lang
mer jläuve fess do dran
mer han su vill durchjemaht
jetz maache mer uns jrad

Un steiht die Welt in Flamme
mer ston all zesamme
janz ejal woher mer kumme
jetz han mer uns jefunge

Polka, Polka, Polka..



KÖLSCHE JUNG

Deutschunterricht, dat wor nix för mich
denn ming Sprooch, die jov et do nit
sprech ödentlich hät de Mamm jesaht
di Zeugnis dat weed keine Hit
Ich sprech doch nur ming eijene Sprooch
wuss nit, wat se vun mir will
ejal wat ich saachen dät,
et wor verkeeht

**Denn ich bin nur ne kölsche Jung
un mi Hätz, dat litt mir op d' r Zung
op d' r Stross han ich ming Sprooch jeliert
un jedes Wort wie tätowiert
op minger Zung
ich ben ne kölsche Jung**

Hück ben ich jlöcklich, dat ich et kann
uns Sprooch die mäht uns doch us
mer hürt schon vun Wiggem
wenn einer Kölsch schwaad
do föhl ich mich direk ze Huss
Wenn mer se spreche, dann lääv se noch lang
dann jeiht se och niemols kapott
uns Sprooch is e Jeschenk
vum leeve Jott

Denn ich bin nur ne kölsche Jung.....



RÄÄN

Du häs mich jebohre un us mir jemaht
wat ich hück bin, stolz un en Kraat
ich kenn ding Maniere, du bes halt jet schnell
alles verjesse, der janze Verzäll

Jeschmingk wie ne Teeny, doch du küss dir vör
wie die First Lady, sag wo kütt dat her?
dir is nix peinlich, un du löß nix us
weil mer em Lääve, alles mitmaache muss

**Du bis minge Rään, du bis en Sintflut
du bis minge Wind, du bis ne Sturm
du bis kalt wie Iss un heiss wie Gloht
un immer dat Jeföhl: et jeiht nit jot!**

Du bliavs jung un du bis alt
et Blot so wärm, et Hätz su kalt
bis nit schön, doch mi zo Huss
dat kritt mer jeschengk, dat söck mer nit us

Du bis minge Rään, du bis en Sintflut...

Rään un Sonnesching, bei dir is alles drin
doch ohne dich is alles still

Du bis minge Rään, du bis en Sintflut...



JECK-YEAH

Ich bin jot, ich bin schläch
ich bin fies un jeräch
ich bin brav, ich bin frech
un steck alles in de Täsch

Ich bin fromm, ich bin frei
ich bin voll, ich bin high
ich bin rut, ich bin schwatz
bin nen Hungk un en Katz

**Denn mer sin all all all nur Minsche
et Hätz om rechte Fleck
Denn mer sin all, all, all, nur Minsche
un in jedem steckt ne kölsche Jeck**

Jeck – Yeah, Jeck – Yeah
Yeah – Yeah – Yeah – Yeah
Jeck – Yeah, Jeck – Yeah
Yeah – Yeah – Yeah – Yeah

Ich bin Boor, ich bin Kraad
ich bin krumm, ich bin jrad
ich bin fimschich, un neidisch
un vill ze schnell beleidischt

Hungrich, un satt
bin ne Deil von d'r Stadt
ich bin drusse, ich will rin
ich jehör genau he hin

Denn mer sin all all all nur Minsche...
Jeck – Yeah, Jeck – Yeah...



BESOFFE VÖR GLÜCK

Jeder Jeck is anders, dat is nit nur ne Spruch
wat dä eine nit will, is wat der andere bruch
Kein Sau kann uns verstonn, wenn mer unser Sproch nit sprich
et jit och manche Lück, die finge su jet widerlich

Drieß op Traditione, wä mäht he Jesetz
maach einfach wat du wills un hür nur op di Hätz
Glücklich sin mer nur, wenn mer frei durch et Lääve jonn
mer maache einfach wigger, su lang mer noch jrad stonn

**Mir sin besoffe,
mir sin besoffe,
besoffe vör Glück
weil et dat alles,
weil et dat alles nor in Kölle jit...**

Wenn du meins mer sin chaotisch, dann bis de nit vun he
die janze Zick nur Musik, dir dunn die Uhre wieh
Daache lang am singe, jeschlofe weed zum Schluss
un manch einer dä kütt en janze Woch allt nit noh Huss

**Mir sin besoffe,
mir sin besoffe,
besoffe vör Glück...**

Et is doch nor en Woch, dann is et allt vorbei
d' r Alldaach hät uns wider, mit all d' r Plackerei



LOSS DICH FALLE

Mer jläuve, mer levve, mer hoffe
am Engk do weed alles widder jot
doch jeder Daach, jede Stund
es vielleicht ding letzte Sekund

Mer plane uns Levve am Reißbrett
domit uch ja nix scheiv jeiht
doch d' r leeve Jott mäht, wat er will
mer han dat nor nit kapeet

**Drum loss dich einfach falle
un hör, wat di Hätz dir säht
am Engk sin mer doch alle
nur e bitzje Stübb un Äd**

Zwei Pänz, e Auto un e Hüüßje
wenn et jeiht tireck hingger d' r Stadt
un morjens em Büro, frögs du dich wieso
föhl ich mich su möd un schlapp

Wat du bruchs, es Zick för ding Famillich
pack ding Pänz un fahr einfach an d' r Rhing
schmieß Stein in et Wasser, loor d' r Schiffe hinger her
jlöcklich sin, es nit su schwer

**Drum loss dich einfach falle
un hör, wat di Hätz dir säht
am Engk sin mer doch alle
nur e bitzje Stübb un Äd**



LIEBE GEWINNT

Komm, mach den Fernseher aus und rutsch was näher zu mir
der ganze Wahnsinn bleibt heut, vor unserer Tür
Auch wenn es hoffnungslos scheint und die ganze Welt weint
Du hältst zu mir und wir beten dafür

Dass ein Wunder passiert und wir endlich kapiern
dass wir alle gleich sind und nur die Liebe gewinnt

**Wir werden frei sein, wenn wir uns lieben
es wird vorbei sein, mit all den Kriegen
wir sind Brüder, wir sind Schwestern
ganz egal wo wir sind, glaub mir: die Liebe gewinnt**

Was du mir sagen willst, komm sag´s mir ins Gesicht
all der Hass und die Lügen im Netz, die interessieren mich nicht
Wir zwei, wir sind echt, wir sind wirklich und hier
komm fass mich mal an und dann schwöre ich dir

Dass ein Wunder passiert und wir endlich kapiern
dass wir alle gleich sind und nur die Liebe gewinnt

**Wir werden frei sein, wenn wir uns lieben
es wird vorbei sein, mit all den Kriegen
wir sind Brüder, wir sind Schwestern
ganz egal wo wir sind, glaub mir: die Liebe gewinnt**

Lass sie alle reden, die Hoffnung macht uns stark
all das Morden, all das Sterben – doch es kommt der Tag
an dem die Kriege aufhören, das macht doch alles keinen Sinn
weil wir alle Kinder der selben Mutter sind

Wir werden frei sein, wenn wir uns lieben...



ET JEILSTE LAND

Dennis aus Hürth in dem Haus

**Kölle is et jeilste Land
ich danz mit dir, du danz mit mir
de janze Naach, de janze Daach
Kölle is et jeilste Land...**

Morgens wach ich auf, bin voll scheisse drauf
spring in die Klamotten, steht Ed Hardy drauf
voll reich seh ich aus, korrekt, der Tag kann losgehn
ab nach Kölle, lecker Mädchen will ich sehn

Sechs Bros klargemacht, an der Tanke um acht
mit nem Heiermann die Karre vollgemacht
ich trag die Cäppi wie ne Krone, geh nie ohne

**Et schönste Land op d'r Welt, dat is Kölle...Köölle, Köölle
für Boulette sage mer Frikadelle... in Köölle...Köölle
Et schönste Land op d'r Welt, dat is Kölle...Köölle, Köölle
wo kriss du jet ze bütze op die Schnelle...in Köölle, Köölle**

Kölle is et jeilste Land...

Abends nach der Sonnenbank, fahren wir die Strasse lang
Arme aus dem Fenster, wir sind Gangster
wie ne dicke Trumm, knallt der Bass, Bumm, Bumm
die Hürther VIP fährt auf den Ringen rum

Alle Leute können uns hören und uns sehn
auch die Ladies, vor dem Club, die dort stehn
ich trag die Cäppi wie ne Krone, geh nie ohne

**Et schönste Land op d'r Welt, dat is Kölle...
Köölle, Köölle...**



FÖR IMMER HIPPI

All die andere, maache Karriere
All die andere maache ihr Ding
All die andere, Uni oder Lehre
All die andere, krieje dat hin
Mer blieve wat mer wore
schon all die lange Johre
hoffnungsvoll verlore

**För immer Hippi, för immer wild un frei
für immer Hippi, för immer mem Hätz dobei
För immer Hippi, för immer Love, Love, Love
För immer Hippi, mer weede niemols brav
Hipp, Hipp, Hippi – Hippi-ay-ho
Hipp, Hipp, Hippi – Hippi-ay-ho**

All die andere, sin solide
All die andere, Bausparvertrag
all die andere, sin am marschiere
vun d'r Wiege, bis in et Grab
Mer blieve wat mer wore
schon all die lange Johre
hoffnungsvoll verlore

**För immer Hippi, för immer wild un frei
für immer Hippi, för immer mem Hätz dobei
För immer Hippi, för immer Love, Love, Love
För immer Hippi, mer weede niemols brav
Hipp, Hipp, Hippi – Hippi-ay-ho
Hipp, Hipp, Hippi – Hippi-ay-ho**



NUR MER ZWEI

Et is jetzt Zick noh Huus ze jon
ming Frau die waad allt schon su lang
et is jetzt Zick dem Draum ze sage:
et is schöner als bei d' r Mamm
manchmol fühle mir die Wöder
üm dir ze sage wat ich föhl
kumm loß mer nit ze lang vun schwaade
ich krijje e komisches Jeföhl

**Nur mer zwei jon durch et Levve
nur mer zwei maache et jot
un wenn du meins et jing donevve
nur mer zwei...**

Uns Levve is manchmol wie ne Dschungel
wilde Diere lauern an jeder Eck
doch wenn mer zwei zessemeston
stecke mer die janz leich weg
Zick trick in et Land mer wäde ähler
et Levve schriev uns in et Jeseech
lihre deit mer durch die Fähler
Uun su jon mer unsre Wäch

Nur mer zwei jon durch et Levve...

Du tricks mich runger, driefs mich aff in de Hüh
löss mich falle, un fängs mich op

Nur mer zwei jon durch et Levve....



DIE FÄRV DER FREIHEIT

Mir sin kein Rassiste
un mir sin och nit brung
för üch is keine Platz he
weil mir die Minsche sin
die üch längs durchschaue
mer wisse, wat do kütt
ühre Nazi-Dreck
der maache mer nit mit

Zum Glück sin mer die Jecke
jonn op de Stroß un donn uns nit verstecke
mer sin laut un mer sin bunt
un wenn mer kumme, jeiht et rund

Domit he Rut un Wieß
die Färv der Freiheit bliev
jit et he Tsching – Tsching
Tschingerassa Bumm

Mer wisse et is schwierich
nit jedem jeiht et jot
manchmol ham ímer Angst
manchmol ham ímer Mot
mer wore immer offe
im Hätz un in d' r Stadt
doch su e Pack wie üch
at ham ímer lang allt satt



WENN ET DUNKEL WEED

Ich weiß et jet dir janit jot
Du bruchs e klein bitzje Wärm
Alles wat du anpacks, dat jeht schief
mach die Auge zo, ich nemm dich in de Ärm
Wenn d' r Himmel janz bovven
mih Wolke hät als Blau
Ich jläuf janz bestimp an dich,
dat weiß du genau

**Denn wenn et dunkel weed
dann is mih Hätz su schwer
Un ich wünsch mir dann, ich wör bei dir
Denn Wenn et dunkel weed
is der Minsch nit jän allein
Wenn ich zaubre künnt:
du wieß du häs ne Fründ**

Ich weiß die Stroß vör dir is lang
un et Hätz is dir jet bang
trau dich, mach d' r ezte Schritt
drieh dich nit öm, denn du weiß , ich kumm mit
Die Birje sin huh un du häs Rään im Jeseech
doch dat alles bring uns nit aff
vun unsrem Wääch

Denn wenn et dunkel weed...

Et rieß uns usenander
un et bringk uns beienein
manchmol is die Welt för uns ze klein

un wenn ich wirklich zaubre künnt
för dich, för mich för uns
ich weiß dat du die Glück noch fings



DAT KANN UNS KEINER NEMME

Schick mer ne Kuss, vun dingem Hätz
maach mich glücklich wie ne ganz kleine Fetz
saach mir, dat du mich immer noch wills
un wenn du mich sühs, genau wie ich noch föhls

Alles oder janix, wenn de fott jeihst
denn du bes der Einzije, der mich versteiht
mer han uns jesöck un am Engk och jefunge
denk an die Zick wo mer zesamme römhing

**Dat kann uns keiner nemme
dat kann ich nur met dir
will keine andre finge
du pass zu mir
un ich will och nix andres han
un loss och keine an mich dran**

Vielleicht wor et falsch, vernünftig ze sin
jrad dat Verrückte steck in uns drin
hätte mer doch einfach su wigger jemaht
sich ze benemme, wor fass wie Verrot

Jetzt sitz ich he, un alles läuf jlatt
häng nit mieh rüm, bes morjens in de Stadt
ich froch mich ständig wor et dat jetz
kumm schick mer ne Kuss vun dingem Hätz

Vun dingem Hätz!!

Dat kann uns keiner nemme.....

Schick mer ne Kuss, vun dingem Hätz
maach mich glücklich wie ne ganz kleine Fetz
saach mir dat du mich immer noch willst
un wenn du mich sühs, genau wie ich noch föhls



Dat kann uns keiner nemme...



HEIMJONN

All die Clowns, die schloofe lang un die
Aape sin im Stall biste still, dann hürste se laache
he un üvverall

D í Boddem klääv wie Rusemondach
dat wor en lange Naach
dat mer zwei die Letzte sin
wä hädden dat jedaach

**Kumm, lommer heimjon, bring mich noh Huus
lommer endlich heimjon un maach die Leechter us
mer wulle nit ophüre, wenn et am schönste es
lommer endlich heimjon un loß mich nit em Riss**

Et letzte Fass es lang allt leer
un die Musik, die es still
dat es die Zick zwesche Daach un Naach
wo ich längs weiß, wat ich will

met dir durch leere Stroße jon
d í Daach fäng langsam an
et es jot, wenn mer eine hät
zo dem mer sage kann

Kumm, lommer heimjon, bring mich noh Huus...

In mingem Kopp driecht sich alles im Kreis
ich maach mir kein Sorje, weil ich janz genau weiß
Du brings mich heim, brings mich zoröck
denn Du bis mi Jlöck
kumm lommer heimjon, bring mich noh Huss

Kumm, lommer heimjon, bring mich noh Huus...



KATHARINA

Die Kneip es bal leer, nor die Neonröhr
booven an d'r Deck jeit an
Sei es jet möd, ehr Bein sin jet schwer
För hück hät sei jenoach jedon

Sancho en d'r Eck es am zocke wie jeck
un denk nit dran noh Huus ze jon
Sei sät: Kumm, maach hin. Ich well noh Huus
De Naach es nit lang un ich muß fröh erus

**Jo, jo Katharina, su süht es jetz us
Maloche maloche söns kütt ehr nit us
Un dä neue Sierra un die neu Spölmaschin
Ming leev' Katharina Saach: Moot dat dann sin?**

Zick drei Johr verhierot, un hä hät zo ehr jesaat
en dä Naach als alles fing an
Ich maach mich kromm un ich maach mich jrad
För dich ston ich minge Mann

Zwei Pänz die kome villedich jet ze flöck
Dobei hät hä doch noh sing Mamm jesöök
Hä wor nit dä Käl dä hä su jän sin wollt
Met veer Lappe em Mond berapp hä sing Schold

An sing Pänz un Katharina
Die sin jetz allein
Hä hät dä Sierra un et de Spölmaschin

**Jo, jo Katharina, su süht es jetz us
Maloche maloche söns kütt ehr nit us
Un dä neue Sierra un die neu Spölmaschin
Ming leev' Katharina, saach: Moot dat dann sin?
Jo, jo, Katharina, saach, wie süht et jetz us?
Jo, jo, Katharina, es et dat wat du wollts?**



WILL NUR DICH

Ding Auge sin su rut vum hüle
Sag' mer wat dich quält
Ich krije kein Antwood op ming Frage
Du bes doch die, die mich hält
Ich weiß et is nit einfach met nem Typ wie mir zo
sin Doch mir zwei mir han en Chance un die krije mir och hin

**Ich will nor dich un ja kein and're
Well nor dich vun fröh bes spät
Well nor dich un ja kein and're
Well nor dich – sulang et Morje jitt**

Wenn ich ussjebrand noh Huus kumm
Bes du för mich do
Wenn ich nit mih kann, wie ne ahle
Mann mäs du mer leis klar
Wat du wells bevör mer schlofe,
Kind, ich han dich su vermeß
Dat es mih wie Sex, dat nennt mer Leev
wat zwesche uns es

Ich well nor dich...

Ich lore nor en ding Auge
Un et es mer klor
Wat du wells un wat du häs
Kind Du kanns mer jläuve et es wohr
Un hück Ovend jon mer danze
Jon mer danze bes d'r Morje kütt

Well nor dich...



ICH BIN FREI

Ich hab´ keine Feinde, nur die in meinem Kopf
die schaff´ ich alleine, wenn ich trinke sind sie fort
dann gibt keine Mauern und sind sie noch so grau
die mich halten können, denn ich weiß ganz genau

**Ich bin frei und es gibt nichts mehr,
was mich halten kann
ich bin frei, denn das ist mein Leben
und da häng ich dran
ich bin frei, ich bin frei**

Ich hab` keine Freunde, nur die an diesem Tisch
wir spielen das Spiel; jeder gegen mich
es gibt keine Liebe, wenn der Schweiß getrocknet ist
da ist so viel Zweifel, der das Vertrauen frißt

**Ich bin frei und es gibt nichts mehr,
was mich halten kann
ich bin frei, denn das ist mein Leben
und da häng ich dran
ich bin frei, ich bin frei**

Es gibt keine Nacht und ist sie noch so lang
die uns die Sonne, vergessen machen kann
sie werden es versuchen, sie geben es nicht dran
uns zu gewinnen, wenn nicht heute, irgend wann

**Ich bin frei und es gibt nichts mehr,
was mich halten kann
ich bin frei, denn das ist mein Leben
und da häng ich dran
ich bin frei, ich bin frei**



ET RÄÄNT IN D'R RHING

Die jolde Dächer vum Ludwig sin jrau
un d'r Verkehr dröhnt de Brögge kapott
Dohinge mät einer ne Köpper vum Dom
un ich wünsch ich wör janz wick fot

Un et ränt en d'r Rhing

Un et ränt en d'r Rhing

Die Stroße die kühme un schreie
Jeder es jedem em Wäch
un üvver d'r Drachefels kütt allt widder ens ein
vun dä vill ze lange Näch'

Un et ränt en d'r Rhing

Un et ränt, jo et ränt

ränt en d'r Rhing

Un et ränt, un et ränt en d'r Rhing

Die Möve sin plötzlich janz stell
Nor ne Schlepper hült wie ne Schakal
Minsch, es meer dat alles vertraut
Nor d'r Wing, dä ich drink', dä schmeck schal
un et ränt en d'r Rhing

Un et ränt...

Ich jon jetz einfach üvver et Wasser
einfach su op die andere Sick
un drink' met dä Dömcher e Schlückche
un rof' : Proß! Op die iwije Zick!

Un et ränt en d'r Rhing

Un et ränt en d'r Rhing

Die jotische Monster, die jrense un flöstere
Kumm Jung, kumm doch erop!
Un de Jlocke verrode ming Sünde



Ävver d'r Bischof, d'r Düvel und ich – mer drieße jet drop
Un et ränt en d'r Rhing

Un et ränt...



WENN ET FUNK

Minge Weed hät Schluss jemaat un satz mich für de Dür
et wor uch Zick noh Huus ze jon doch ich hat noch jet för
uns Stadt, die wor am schlofe doch ich, ich kannt en Bar
wo se sich naaks trofe un se woren uch all schon do

Brave Lück wie ich un du total vun d' r Roll
zu esch han ich et nit jegläuv sojar d' r Prinz wor voll
op Desch un Stöhl am danze de Musik superlaut
un plötzlich us dem Janze sprung an minge Hals
– su n Fun- kebraut

**Wenn et einmol nur funk – is et zu spät
dann weed jedanz, bis ja nix mih jeit
dann jit et voll op die Mütz
bis zum Äschekrütz**

Danze un su dun als ob mir dat janix mäht
hin un widder froge ich ens wie et ihr denn jeit
et dät dann nur kot lache „Jung, kumm drink ne Schluck“
ab Mittwoch kannste schlofe dann häste Paus jenoeh

Wenn et einmol nur funk – is et zu spät...

Lange Rede kurzer Sinn ich wor medden drin
Frau Marie in mingem Ärm frog mich nit warüm
ming Fööss, die däte kriesche ming Bein su schwer wie Blei
kein Chance, denn ming Mariechen wor noch ziemlich jot dobei

Wenn et einmol nur funk – is et zu spät...



90 JOHR

Ne Schreffzoch us Jold, op ner urahle Schiev
Autoschlange quäle sich ihre Wääch
dat ahle Cafe, zick ner Woch brennt kei Leech
hier hängk nor ne Zeddel, jeschlosse vielleicht
mäht et Urlaub an d'r See,
in de Birje em tiefe Schnee
em tiefe Schnee

Mieh als e Lääve, et wore bahl zwei
se wor he immer met'm Hätze dobei
ne Kreech kom un jing, sei waad op d'r Mann
'46 kom hä zo Huus endlich an
usjebomp, de Siel kapott,
in Kölle loch nor Schutt un Schrott
die Stadt kapott

**90 Jahr, de Zick'verjeiht ihr vill ze schnell
et steiht do, versteiht de Welt nit mih
90 Jahr, de Zick verjeiht ihr vill ze schnell
mer läuf nor langsam op zetterije Knee**

Jetzt ston mer he unge, et es ihr Jeschäff
för die Ahle ein Veedel d'r letzte Treff
doch vun denne sin wirklich nit mih vill do
doch för die, die noch kumme, mäht mer wigger es klor
doch zom Schluss kom keiner mih,
Abschied nemme, dat deiht wih et Hätz deiht wih

90 Jahr, de Zick verjeiht ihr vill ze schnell...



NIEMOLS IM LÄÄVE

Kumm bloss die Kätze us, ich föhl dich
wie Summerrään op minger Haut
kumm un sag schon die drei Wöder
sag sie jetzt, wenn du dich traust

Mer wore uns nit immer sicher
en Jarantie, die jit et nie
doch hüek nacch will ich et hüre
kumm maach schon, dat deit nit wieh

**Ich hat niemols im Levve
Su e feeling im Buch
Un ich dät alles jevve
Du häts dat feeling och**

Mädche, wat wills du noch hüre
sag mir, wat määt dich noch bang
wenn et sin muss, dun ich schwöre
mer fange noch ens vun vürre an

Ich hat niemols im Levve...

Wat morje kütt is drießejal
un jestern is lang her
sag et endlich, sprich et us
un maach et nit su schwer
ich dät alles jevve, domit du wüss, wat ich föhl
nimm dir e Hätz un sag et jetzt

Ich hat niemols im Levve...



SAACH ET OP KÖLSCH

Dat wat ich söck dat jit et nur bei dir
Mach dir kein Sorje
mir zwei sin för immer
Zwischen uns pass nit ens a Blatt Papier
Föhls du die Luff brennt
he in unserem Zimmer
Glück is wenn ich dich sin
einfach nur bei dir bin
Jede Sekund jede Stund mäht ne Sinn

**Ich saach et op Kölsch un schrei et laut
Du bis der Minsch der mich umhaut
Nix op d'r Welt mäht mich su ahn
Wie dat Jeföhl wenn ich bei dir sin kann
Ich will dich knutsche halt dich ganz fass
Dat mit uns zwei, ich weiss dat dat pass
Nix op d'r Welt mäht mich su ahn
Wie dat Jeföhl wenn ich bei dir sin kann**

Alles wat kütt, dat krieje mir zwei hin
Nur wenn mer Hoffnung hätt,
jeiht et och wigger
Wemmer verliebt is määt dat alles Sinn
Ich steck dir hück ne Ring an dinge Finger
Glück is wenn ich dich sinn,
einfach nur bei dir bin
Jede Sekund, jede Stund mäht ne Sinn

Ich saach et op Kölsch un schrei et laut



BIS ANS MEER

Komm mein Alter, mach die Gläser noch mal voll
Und lass uns trinken auf die Zeit
Wo wir noch wild und voller Träume waren
Die Tage bunt, die Nächte breit

Es war egal, in welchem Bett man nachts schlief
Die Nacht war sowieso nicht lang
Wir sind getrampt von Köln nach Paris
Und total versackt in Amsterdam

Sag jetzt nicht, das sei sentimental
Und außerdem schon lange her
Wen wir wollen, dann geht das noch mal
Heute Nacht ziehen wir los bis ans Meer

Komm mein Alter, raff ´ dich noch mal auf
Da drauen weht ein heisser Wind
Lass uns losziehen, vielleicht zum letzten mal
Bis wir beide angekommen sind

Sag jetzt nicht, das sei sentimental
Und außerdem schon lange her
Wen wir wollen, dann geht das noch mal
Heute Nacht ziehen wir los bis ans Meer

Bis ans Meer, lass uns weitergehen
Bis ans Meer, ich will den Himmel sehen



HALLELUJAH

Ich han jehoot, et jit e Leed
dat jeder kennt, un jeder singk
och wenn du mit Musik nix am Hot häs

Ejal ob du am fleje bis
oder jenoch häs, vun all dem Driss
nemm dir e Hätz un sing:

Halleluja, Halleluja, Halleluja...

Du häs jedach et Lääve hät ene Sinn
alles weed jot, alles haut hin
un häs du dann di Liehrjeld berappe müsse

Ejal wie deef du jefalle bis
wie ramponiert du widder küss
nemm dir e Hätz un sing:

Halleluja, Halleluja, Halleluja...

Ejal wie sicher du dir bis
wenn ne schwatze Engel ding Siel dir bütz
nemm dir e Hätz un sing:

Du häs ne leeve Minsch nevven dir
is alles jot, im Jetz un Hier
d' r' Himmel blau, so wick ding Auge loore

Halleluja, Halleluja, Halleluja...



WÄM JEHÜRT DIE STADT

För die eine bes du en Investition
met Aussicht op Jewinn
die trecke alles rus un stecke nor
e ganz klei Bissje rin
För die andere bes du Alldaach
met Sorje, Jlöck un Ping
die nenne dich ze Huus, weil se in dir jebore sin
Ävver jetz kütt et drop an
wer bestemmp, wat he wirklich zällt
sin et de Minsche, oder is et et Jeld?

**Wäm jehürt die Stadt, die Stadt?
wäm jehürt die Ääd, die Ääd?
sin et die Minsche, oder is et et Jeld?**

För die eine bes du hillich
un machtvoll wie d'r Dom J
eschichte, Glanz un Gloria
un ahle Tradition
För die andere bes du Babylon
im däm mer sich verstecke kann
häs immer ne Platz för Sünder
un kanns verzeihe wie die Mamm
Ävver jetz kütt et drop an...

Wäm jehürt die Stadt, die Stadt?...

Et is noch nix entschieden
alles is noch drin
mer künne et noch driehe
weil mer ding Pänz, ding Mische sin

Wäm jehürt die Stadt, die Stadt?...



NUR NICHT AUS LIEBE WEINEN

Es ist ja ganz gleich, wen wir lieben
und wer und das Herz einmal bricht
wir werden vom Schicksal getrieben
und das Ende ist immer Verzicht
wir glauben und hoffen und denken
dass einmal ein Wunder geschieht
doch wenn wir uns dann verschenken
ist es das alte Lied

**Nur nicht aus Liebe weinen
es gibt auf Erden nicht nur den Einen
es gibt so viele auf dieser Welt
ich liebe jeden, der mir gefällt
und darum will ich heut dir gehören
du sollst mir Treue und Liebe schwören
wenn ich auch fühle, es muß ja Lüge sein
ich lüge auch und bin dein**

Wir kamen von Süden und Norden
mit Herzen so fremd und so stumm
so bin ich die Deine geworden
und ich kann dir nicht sagen warum
denn als ich mich an dich verloren
hab ich eines anderen gedacht
so ward die Lüge geboren
schon in der ersten Nacht

Nur nicht aus Liebe weinen...



MAN MÜSSTE NOCHMAL 20 SEIN

Sitzt der Mensch beim Weine
Werden alle seine längst vergessnen
Alten Wünsche wach
Und er hängt dem größten und
Vielleicht dem besten
Seiner oft geträumten Träume nach
Kämen doch die Zeiten, die vergingen, wieder
Käme doch die Jugend einmal noch zurück

**Man müsste noch mal 20 sein
Und so verliebt wie damals
Und irgendwo am Wiesenrain
Vergessen die Zeit
Und wenn das Herz dann ebenso
Entscheiden könnt wie damals
Ich glaube, dann entschied es sich
Noch mal, noch mal für Dich
Ich glaube, dann entschied es sich
Noch mal, noch mal für Dich.**

Ja so mancher Zecher sitzt vor leerem Becher
Wie vor seiner Jugendzeit,
Und der Wein im Glase
rötete die Nase
Doch er trübte die Vergangenheit
Könnt er doch noch einmal
Alles neu beginnen
Könnt er doch noch einmal
Alles besser tun

Du, ja du nur allein wirst den
Traum mir verzeihn
Den ich heut geträumt hab,
Geträumt hab beim Wein



Du,ja du nur allein wirst den Traum mir verzeihn
Den ich heut Nacht geträumt hab,
Geträumt hab beim Wein.



EIFEL

Die Luff es sauber un d' r Himmel blau
die Köh sin jlöcklich un die Boore schlau
die Bäum sin huh un et Jras es jrön
die Döchter vun dä Boore sin wunderschön
winnich Wöder, ävver vill Jeföhl
bei jedem Feß üvver Bänk un Stöhl

**Loor nit in d' r Atlas
un drieß op dinge Kompass
denn mer sin ohne Zweifel
midden in d' r Eifel**

D' r Schnaps weed noch im Keller jebrannt
un e Hirschjeweih an jeder Wand
en ahle Knabbüß unger jedem Bett
dicke Bunne mit Zaus un Speck
die Musik spillt bes zum nöchste Morje
dem Pastur verzällt mer all sing Sorje

Loor nit in d' r Atlas...

Im Sommer jit et Sonnesching,
im Winter jit et Schnie
de Familich steiht an ezter Stell,
allein bis du hier nie

Loor nit in d' r Atlas...



RIESENKAMELL

Komm mer trinken op uns Äd,
weil mer dat bei uns so mäht
komm mer trecke einfach los,
weil ne Jecke trecke muss

Komm mer mole uns bunt an,
un mer nemme in d'r Ärm
un mer jevve uns ne Kuss,
weil ne Jecke bütze muss
Un mer drinke alles us,
un mer jon noch nit noh Huus
denn als Panz weiß mer he schon:
Dat es Tradition,
dat es Tradition

**Denn uns janze Stadt es en Riesenkamell
lütsch se langsam lütsch se schnell,
schlick se nit runger un speu se nit us,
se is un bliev uns ze huss**

Un zick hundertdusend Johre,
sin de Minsche sich em Klore
maat üch nit verröck, Fastelovend kütt
un dann jeiht et widder los,
un mer trecke durch die Stross
un häs du mich jefunge,
dann los mich nie mih los
dann los mich nie mih los



KOOT ODER LANG

Du kenns dich us, du kenns die Lück
du küss hier her un du weiss wä es wä
bes jeden Daach, neu informiert
et is jot, wenn mer sich interessiert

Du weiss genau, vun wem die Frau
jeden Ovend d'r Nohbor besöck
se kumme all in ding Trinkhall
un se bringe dann uch noch jet mit

Se kaufe nit nur Kippe, se suffe nit nur Bier
e Stück vun jedem Lääve, dat losse se bei dir
Dä eine hät jewunne, dä andre söck sing Frau
Un wo die jrad steck, dat weiss du janz genau

**Ob koot oder lang, met Hätz oder bang
ob rich oder ärm, ding Bud is immer wärm
ob Kölsche oder fremd, ob Blaumann oder Hemp
ob jrön wie die Schmier, se kumme all zu dir**

Un dann um zwölf, vör'm neue Daach
mähste zo, denn uch du bruchs jet Schlof
Denn morje fröh, su jäje sechs, steihst du dann widder parat

Der neuste Film jebrannt, sujar op DVD
un us Istambul, en Trikot vum FC
selvs der ahle Freud wor ne Stümper jäje dich
denn du loorst dä Lück nur eimol in't Jeseech

Ob koot oder lang...



MER SIN EN INSEL

Mer loore hück op uns Lääve zoröck
kütt einem vör, wie en Insel voll Glück
Elend un Nut, dat is uns fremp
all die Johre, wie e Jeschenk

Is et am Engk wirklich nor Glück
wo mer jebore, op welchem Stück
Äd mer lääve, dä eeschte Schritt mache
is dat die Jrenz zwesche Trone un Laache

Mer sin en Insel, et Wasser, et steich
mer fiere uns Feste direk hingger ím Deich

**Dat bis du, dat bis immer noch du du
bes immer noch su
wahnsinnich ahnungslos,
unschuldich, hoffnungsvoll
Du... , dat bes immer noch du
du bes immer noch su
unglaublich gleichgültich,
selbstverliebt, affjewichs**

Mer loore hück eruss in die Welt
do is su vill, wat uns nit jefällt
mer sitze he, in unsrer Stadt
Hunger im Hätze, der Buch fett un satt

Wat muss passiere, domet jet passeet?
einfach su wigger, bis ja nix mieh jeiht
der Sturm do drusse üvver dem Meer
jläuvs du denn ech, dä kütt niemals hier her

Mer sin en Insel, et Wasser, et steich
mer fiere uns Feste direk hingger ím Deich

Dat bis du, dat bis immer noch du...



LÄÄV DI LÄÄVE

Mer fleje huh, mer falle deef
maache uns jrad un jonn doch scheef
mer laufe fott, kumme zoröck
jo, mer sin jeck, ävver nit verröck

Mer kriesche höösch, mer laachge laut
mer sin katholisch, mer sin versaut
sin engagiert un drieße drop
mer lähje loss un jevve widder op

Mer sin Minsche nor us Fleisch un Blot
Fähler maache künne mer jot
perfekt ze sin, do jevve mer nix dröm
mer loße uns falle, doch falle niemols öm

**Lääv, lääv, lääv die Lääve
jonn, jonn, jonn dinge Wäch
uns ´re Zick op Äde, die weed su schnell verjonn
Lääv, lääv, lääv die Lääve
hür, hür, hür op di Hätz
ding Schwestern un ding Bröder, dat is alles, wat du häs**

Mer lääve iwich, mer jläuve dran
sin ungerwächs, kumme nie an
mer wisse alles, kapiere nix
mer spille falsch un kenne all die Tricks

Mer sin jearnt un anjezällt
doch maache wigger, wat uns jefällt
mer hänge dran, loße nit loss
mer trecke et durch, ejal wat et och koss

Mer sin Minsche nor us Fleisch un Blot...

Lääv, lääv, lääv die Lääve...



SUPERJEILEZICK

Maach noch ens die Tüt an, he is noch lang nit Schluss
un uch noch en Fläsch op, ich will noch nit noh Huus
ich kenn en paar Schüss die han genau wie mer
Bock op en Party, sag dat jeit doch hier

Kumm, maach keine Ärjer, maach uns keine Stress
mer sin uch janz leis un maache keine Dress
a beßje jet Rauche, jet Suffe un dann
loore ob mer mit dä Schüss jet danze kann

**Nä, wat wor dat dann fröher en superjeile Zick
mit Träne in d' r Auge loor ich manchmal zurück
bin ich hüek op d' r Roll nur noch half su doll
doch hüek Naach weiß ich nit wo dat enden soll**

Et weed immer späder, drusse weed et hell
mer sitze noch zesamme bei Biercher un Verzäll
et is fast wie fröher, doch ich muss noh Huus
do fängt et an ze schneie, medden im August

Et is mir dressejal ob ich hüek umfall
ob ich noch schwade, oder nur noch lall
erwachse weede kann ich uch morje noch
langsam weed et he jemötlich, denn die Schüss, die laufe op

**Nä, wat wor dat dann fröher en superjeile Zick
mit Träne in d' r Auge luur ich manchmal zurück
bin ich hüek op d' r Roll nur noch half su doll
doch hüek Naach weiß ich nit wo dat enden soll**



RÄÄN 2

Ok, ich jeff zo, bin mih Boor als Krat
bin leever im Wald, als om Nümaht
bin leever do drusse, zwesche Himmel un Äd
denn do kannste föhle, wat die Zick mit uns mäht

Die Felder sin Stübb un dat im April
d' r Wald iss u drüsch, dat mer mit 'm Schlauch kumme will
d' r Boddem is hatt, bahl wie Beton
is dat dat Morje, in dat mer jonn?

Mer schwaade vun schön Wedder
blaue Himmel un nacks de Stään
doch dat, wat uns fählt is Rään

**Mer bruche Rään, Rään, Rään
Rään, Rään, Rään
mer bruche Rään, Rään, Rään s
ibbe Daach lang, einfach nur Rään**

Wo sin die Wulke, su jrau un su schwer
randvoll mit Wasser, jebore üvver 'm Meer
wo is d' r Wind, genau us Süd-West
su klamm un köhl, d' r uns hoffe löß

Mer schwaade vun schön Wedder
blaue Himmel un nacks de Stään
doch dat, wat uns fählt is Rään

**Mer bruche Rään, Rään, Rään
Rään, Rään, Rään
mer bruche Rään, Rään, Rään
sibbe Daach lang, einfach nur Rään**



SU LANG MER NOCH AM LÄÄVE SIN

Mer sin wirklich offe,
mer schwaade nit drömröm,
uns Hätze schlage allsomp
im Rhythmus vun ner Tromm.

Mer drieße jet op Morje,
denn hüek do han mer Lauf,
e schläch Jewisse un Sorje,
dat nemme mer in Kauf.

**Su lang mer noch am Lääve sin,
am laache, kriesche, danze sin,
su lang – mer noch am Lääve sin**

Mer sin echt nit kleinlich,
uns kütt et nit drop an,
op du jerade heute,
frisch bis oder klamm.

Mer welle, dat in unsrer Stadt,
jeder glücklich weed,
et jit jet, dat mer üvverall,
op d'r Welt versteiht.

**Su lang mer noch am Lääve sin,
am laache, kriesche, danze sin,
su lang – mer noch am Lääve sin**



MER SIN WIDDER DO

Alles wat ich han, dat deit ich jevve
Ich hätt nie jedach, dat ihr uns su fählt
Uns wood su lang su viel verbodde
Mir han jemerck, wat dat mit einem mäht

Un jetz is endlich Zick, sich op zo mache
Denn keine Wäch is uns ze wigg

Mir sin widder do, su wie et fröher wor
Weil jede Nach ohne üch ne Himmel ohne Stääne is
Su lang janz allein, jetzt rollt er widder, unsere Stein
Mir sin wieder do, wie et fröher wor

Jetz kumme mer all widder zesamme
Keiner vun uns fählt, keiner bliev mieh ze Huss
Jetz weed sich zeije, ob mer et künne
Do is su vill in uns drin un dat muss erus

Et Lääve weed nit iwich op uns wade
Unsere Zick verjeiht su schnell

Mir sin widder do su wie et fröher wor
Weil jede Nach ohne üch ne Himmel ohne Stääne is
Su lang janz allein, jetzt rollt er widder, unsere Stein
Mir sin wieder do, wie et fröher wor



14 JULI

Ich schwör Dir, mer verjesse nie...d'r veezehnte Juli

Veezich Dage un Nächte lang heelt es sich am rääne dran
doch Noah hät mit Jott jeschwaad hä wor bereit, hä wor jearnt
Bau e Schiff jroß un stark loß alle rin, die mit Dir sin
Land unger, üvverall die Sintflut schlick d'r Erdenball

Nur die eine koote Summernaach
hät he unge alles plattjemaat

Endlich Laache noh dem jroße Rään
Hoffnung, unger all d'r Stään
ejal, wat mer verlore han
mer fange noch ens an

Endlich Morje noh ner lange Naach
wenn et räant, jo do bliev ich waach
ich schwör Dir, mer verjesse nie d'r veezehnte Juli

Willkumme in uns neuer Welt wo Rään op Millione Autos fällt
Satelite üvver uns doch et Wedder mäht uns Angst

Nit jearnt un nit bereit
duurt d'r Rään en lwichkeit
d'r Keller voll Wasser un et steich
he süht et us, wie noh dem Kreech

Nur die eine koote Summernaach...
Endlich Laache noh dem jroße Rään...

Ich schwör Dir, mer verjesse nie...d'r veezehnte Juli



MIR SIN KÖLSCHE

Rusenmondaach, dicke Trumm
Huhzick un Beerdijung
Rock ´n Roll zum FC
Quetsche, Quetsche KVB
Büdchen, Brüssler un Blue Shell
wenn du russ küss, weed et hell

**Et driecht sich immer wigger
rund in mingem Kopp
Ich weed beklopp**

**Denn mir sin Kölsche, Kölsche,
und dat is wat du kriss
wenn de bei uns bis
wenn de bei uns bis
Mir sin jefährlich, ehrlich
Un mir sin och echt
Wie dat Kölsch in unsrer Fläsch**

Fasteleer om Aldermaat
Kejelclub un Vatertach
Mer danze in d´r Mai erin
Kölner Lichter, Jeck im Sunnesching
In der Köln-Arena steh ´n
wir wollen Eure Hände seh ´n

**Et driecht sich immer wigger...
Denn mir sin Kölsche, Kölsche....**



HIMMEL UN HÖLL

Kumm, loss mer jet bedde, ohne dran ze jläuve
dat deiht manchmol jot un rettet d´r Daach
kumm, loss mer jet schwaade, ohne vill ze sage
wenn Du Dir nit sicher bis – haal einfach die Schnüss

**Denn, su schön wie hüek, weed et nie widder sin
un su jot wie mer, kritt dat keiner hin
Himmel un Höll, et kütt, wat kumme soll
maach Dich nit verröck, maach Dich nit verröck
Mer lääve hüek!**

Kumm, loss mer jet zocke, noch sin mer nit verlore
Adrenalin im Bloot, deiht manchmol jot
un loss mer jet jevve, et Schönste im Levve
wenn Du karrisch bis un deihs nix rus – dann bliev doch ze Huss

**Denn, su schön wie hüek,
weed et nie widder sin...**

Die Woorheit deiht doch immer wieh
drum frage mer och wirklich, nie.... su genau
keiner weiß, wat morje kütt, häste Trouble oder Jlöck
is der Himmel jrau.....oder blau???

**Denn, su schön wie hüek,
weed et nie widder sin...**



ET LETZTE BIER

Et Leech jeiht an, die Stöhl, die ston om Desch
et süht su us, als mäht d`r Weed glich deesch
mer sin noch jet am diskutiere
en letzte Rund un dann es Schluss
doch dä Weed, dä will et nit kapiere
nä, dä will noh Huus

**Kumm, dun uns noch et letzte Bier
ich schwör, dann sin mer durch die Dür
jeff uns noch en halve Stund
dann mache mer d`r Deckel rund**

Wä jeiht schon jän no Huus, wenn do keiner waad
en kaale Bud, wo keiner mit dir schwaad
do hammert he doch schon vill besser
denn mer wisse nit so räch wohin
un nix op d`r Welt es schlimmer, als allein ze sin

Kumm, dun uns noch et letzte Bier.....



DEIN LIEBLINGSLIED IM RADIO

Alte Rockstars sind wie Wein
lass sie singen, lass sie schrei'n
Sie werden besser mit jedem Gig
und vielleicht kommt da ja noch ein echter Hit

Sind auch die Moves nicht wirklich cool
wenn's nicht mehr geht nimmt man n Stuhl
Denn auch im Sitzen singt's sich gut
graue Haare unterm schwarzen Hut

Doch so'n Song wird niemals alt
wie neugeboren, wenn er aus den Boxen knallt
Und dann kommt der Moment,
den jeder von uns kennt

**Da kommt dein Lieblingslied im Radio
und all die Bilder und die Feelings kommen sowieso
Und der Film läuft nochmal ab
weil das nur mit Musik klappt
Den Soundtrack zu deinem Leben
wird's ohne Songs niemals geben**

Und dann kommt die letzte Tour
jeden Abend Showtime, 20 Uhr
Doch die Songs die werden bleiben
die gehören längst uns Beiden

Doch so'n Song wird niemals alt
wie neugeboren, wenn er aus den Boxen knallt
Und dann kommt der Moment,
den jeder von uns kennt

Da kommt dein Lieblingslied im Radio.....



ROMEO UN JULIA

Bis Du bereit jet zu riskiere
och wenn et jetz jefährlich weed
Wer will denn dat schon kontrolliere
wat hück Naach mit uns paseet

Ne Blick vun mir, ne Blick vun Dir
do kunnt doch keiner jet doför
E Bützje do, e Bützje he
dat deiht doch keinem Minsche wieh
Bis morje fröh

Mer sin wie

**Ro-Ro-Ro Romeo, Ju-Ju-Ju Julia
Ro-Ro-Ro Romeo, Ju-Ju-Ju Julia
Nit jetrennt un nit zesamme
doch et Hätz steiht in Flamme
Trone un Laache, Himmel un Äd
kütt nur drop an, wat mer druss mäht**

Na, na, na, na, na, na, na...

Bist du bereit jet ze verjesse
janz ejal wie schön et wor
Och wenn uns Hätze morje breche
mer zwei, mer wore einfach do

E Bützje do e Bützje he...

Mer sin wie

**Ro-Ro-Ro Romeo, Ju-Ju-Ju Julia
Ro-Ro-Ro Romeo, Ju-Ju-Ju Julia...**



RABENSCHWARZENACHT

Wenn die braven Bürger an ihr Tagwerk gehn´
und fromm bei ihrer Arbeit stehn´
in der frühen Morgenstund
denn die hat ja Gold im Mund
Dann machen wir die Augen zu
und legen uns zur zweiten Ruh
die Füße auf den Tisch
ein Grinsen im Gesicht

In jedem Mensch steckt auch ein Tier
der Beweis dafür sind wir

**Wir sind gemacht, wir sind gemacht
für die Ra-, Ra-, Rabenschwarzenacht
Wir sind gemacht, wir sind gemacht
für die Ra-, Ra-, Rabenschwarzenacht
wir leeren manches Glas, sind ohne jedes Maß
denn wir sind gemacht, wir sind gemacht
für die Ra-, Ra-, Rabenschwarzenacht**

Wenn die braven Bürger nach dem Rechten sehn´
bevor sie dann zu Bette gehn´
die Weiber daheim, die Türen zu
zur wohlverdienten Ruh
Dann ziehen wir die Stiefel an
in denen man auch tanzen kann
nur Rosen bringen wir nicht
dafür den Hafer, der uns sticht

In jedem Mensch steckt auch ein Tier
der Beweis dafür sind wir

Wir sind gemacht, wir sind gemacht....



Und kriecht dann im Morgenraun die Reue zu uns nieder
verstummt alles Lachen, verklingen alle Lieder
dann wanken wir im frühen Licht zu unsrer schwarzen Gruft
und atmen zum letzten Mal die jungfräuliche Luft



PUDDELRÜH

Laach nit su laut, uch du bes dran
gläuv mir, dat dort nit mih lang
loor dich üm, se danze rüm
un packe sich uch an
ne Kuss von dir so söß wie Wing
un jeder mäht he wat hä will
drink e Glas un danz met mir
mach hösch un nit ze vill

**Sorje un Nut, die suffe mer hück dut
gläuv mir, mer zwei, hück Naach do sin mer frei**

Wo sin die her, wat es he los
sag sin die von hier
puddelrüh, ne nackte Balsch
op einem Haufe vier
se packe sich unger de Röck
uch ich han dich em Ärm
wie de Diere han se sich
uns weed et langsam wärm

**Sorje un Nut, die suffe mer hück dut
gläuv mir, mer zwei, hück Naach do sin mer frei**

Jetzt es et still mer sitze he knutschend vör´m Zelt
ding Auge strahle du sähs leis, dat et dir jefällt
su wanke mer en die Naach nor d´r Mond kütt met
keiner weiß, wat jetzt passeet, doch schlofe dun mer nit

**Sorje un Nut, die suffe mer hück dut
gläuv mir, mer zwei, hück Naach do sin mer frei**



WILLKUMME IN KÖLLE

Jit et ne Himmel he op Äde
saach mir gläüvs du echt do dran
un jeder kann ne Engel weede
doch gläuv mir nor
wenn hä am Rädche driehe kann

Mer ston zesamme, mer sin Fründe
häs du dä Spruch schon ens jehoot
denn Zwietracht es en echte Sünde
doch dat hät he in unsrer Stadt nie jestört

**Willkumme in Kölle, wilkumme zu Huus
dem Brave ne Arschtritt,
dem Schlaue ne Kuss
Wilkumme in Kölle, wilkumme zo Huus
pass jot ob ding Siel op,
söns bes du se loß**

Ne Christemiinsch dä hät Erbarmen
met bahl jeder Kreatur
am Schluß do säht d'r Pastor „amen“
bei jedem Prinz, bei jedem Jeck,
bei jeder Hor

**Willkumme in Kölle, wilkumme zu Huus
dem Brave ne Arschtritt,
dem Schlaue ne Kuss
Wilkumme in Kölle, wilkumme zo Huus
pass jot ob ding Siel op,
söns bes du se loß**

